

حرد علیہ

مشخت جلیله اسلامیه مک جربده رسمیه سیدر
ربیع الاول ۱۳۳۴ (*)

عزو: ۶۹

آیده بر نشر اولنور

ایکنجی سنه

جریاتی تحت تأمینہ اخذدن عبارت اولدینی وایضاحات مسروده به و نقود موقوفه سرمایہ سنک اصلی بر مدت ایله مقصور اولسه بیلہ استہلاک شرع شریف احکامہ کورہ ممنوعاتدن ایدوکی جہتلہ امانات و مودوعات سائرہ حقندہ اولدینی کبی تعلیمات حسابیہ ایله اساس دفترلرندہ نقود موقوفہ نامیلہ حساب مخصوص کشادوتأسیس اولنقی صورتیلہ خصوصیات مبحوثہ نک بحق ایفاسنہ اهمیت مخصوصہ عطف اولنش بولنسنہ رغماً بعض شعبات وقفیہ جہ نقود موقوفہ و عوارض آقہ لرینک دوراً آلتان قسمنہ لایق اولدینی اهمیت ویرلیہ رک و بونلرک بر مدت ایچون اقراضی ترک و اہمال ایدیلہ رک اموال عمومیہ یہ متعلق مصارفدہ استعمال واستہلاک ایدلدیکی آکلاشلمش و بویلہ ممنوعیت قطعیه خلافتدہ حرکتک موجب مؤاخذہ اولہ جفی درکار بولنش اولغلہ کرک مقام مشیخت جلیلہ دن کرک نظارتدن واقع اولان تبلیغات و اساسات دائرہ سندہ نقود موقوفہ و عوارض آقہ لرینک ارباح واسترباحیلہ نمالرینک مشروط لہلرینہ صرفی و سالف الیای حسابدہ محرر قارشولغنک حسن محافظہ سی و سائلنک استکمالی خصوصنک مأمورین وقفیہ یہ تبلیغ بیورلمسی بایندہ ۲۱ ذی الحجہ ۱۳۳۳ ۱۷ تشرین اول ۱۳۳۱

حاکمک برات شریفی

« شروط معینہ قانونیہ بی حائز بولنان غلطہ و مرہین و کوزلحصار آیدین قاضیلری حسن خیراللہ و حسن تحسین و یوسف ضیاءالدین افندیلرک حاکمک برات شریفنہ نائیلتری حقندہ مابین ہایون ملوکانہ باش کتابت جلیلہ سنہ خطاباً یازیلان عرض تذکرہ سی صورتی »

قاضیلک شرائطی و قانون اساسینک سکسان برنجی مادہ سسندہ محرر برات شریفک صورت اعطاسنی مین ۷ رمضان سنہ ۱۳۳۲ و ۱۷ تموز سنہ ۱۳۳۰ تاریخی قانون موجبجہ فتوی امینی افندی حضرتلرینک ریاستی تحتندہ مقام ثناوری مستشاری ایله قاضی عسکر و مجلس تدقیقات شرعیہ رئیس و مدرسة القضاة مدیر و کیلی افندیلر حضراتندن مرکباً تشکل ایدن انجمن مخصوصجہ اجرا قلنان تدقیقات و تحقیقات اوزرینہ تنظیم ایدیلن مضبطہ لردہ غلطہ و مرہین و کوزلحصار ایدین قاضیلری حسن خیراللہ و حسن تحسین و یوسف ضیاءالدین افندیلرک مکتب نوابدن مأذون اولوب مسلك قضادہ اون سنہ بی متجاوز مدت حسن ایفای و وظیفہ یہ موفقیہ یلہ حقارندہ برکونہ شکایت وقوع بولمامش

اولدینگی ورویت و لیاقه مالک و وثوق و اعتماد عامه یه مظهر و عفت و استقامتله موصوف
واو یولده مشهور و معروف بولندقلری بیانیه قانون اساسینک سالف الذکر سکسان
برنجی و ذکر اولنان ۷ رمضان سنه ۱۳۳۲ تاریخی قانونک ایکنجی ماده لری موجبجه
قاضیک ایچون تعین اولنان شرائط و اوصافی حائر بولنان مومی الیهه برات شریف
اعطاسنه متفقاً قرار ویرلدیکی کوسترلمش و بوبابده تنظیم اولنان اراده سنیه لایحه سی لفاً
عرض و تقدیم قلمش ایسهده امروفرمان مکارم بیان حضرت خلافتناهی نهوجه ایله
شرفسنوح و صدور بیوریلور ایسه حکم جلیلی انفاذ اولنور اقدم .

۹ جمادی الاولی سنه ۱۳۳۴ و ۱ مارت سنه ۱۳۳۲

شیخ الاسلام

خیری

★
★ ★

اراده سنیه حضرت خلافتناهی بی مبلغ هاشم :

اشبو تذکره علیه مشیختناهی لری ملفوف اراده سنیه لایحه سیله برابر منظور عالی
بیوریلورق ذکر اوانان اراده سنیه لایحه سی امضای هایون ملوکانه ایله توشیح بیوریلورق
لفاً اعاده قلمش اولمغله امروفرمان حضرت ولی الامر کدر .

۱۰ جمادی الاولی سنه ۱۳۳۴ و ۲ مارت سنه ۱۳۳۲

★
★ ★

اراده سنیه :

قانون اساسینک سکسان برنجی و ۷ رمضان سنه ۱۳۳۲ تاریخی قانونک ایکنجی
ماده لری موجبجه شروط معینه بی حائر بولنان غلطه و مرسین و کوزلحصار آیدین
قاضیلری حسن خیرالله و حسن تحسین و یوسف ضیاءالدین اقتدیله حاکمک برات شریفی
اعطاسنه مأذویت ویرلمشدر . ۱۰ جمادی الاولی سنه ۱۳۳۴ و ۲ مارت سنه ۱۳۳۲


محمد رشاد

شیخ الاسلام


خیری

★
★ ★

برات شریفه صورتلری



« صانع اکوان جلالت و واضع قانون عدالت خالق اعظم و معبود معظم حضرتلری »
 « مجله کائناتک شیرازه انتظامی اولان عدلی امر و فرمان و نبی حکیم خدا دریتیم فصحا »
 « علیه از کی التحایا افند من حضرتلری عدالتک قدر بالاترینی کوه کزین بلاغته توضیح »
 « و بیان بیورمش و بشریتک رفاهیت و سعادتق نعمت عدل ایله حاصل و سالکین شاهراه »
 « عدالتک صدر بلند اجر و سعده و اصل اوله جنی درکار بولنمش اولوب سنکه »
 « غلطه قاضیسی اقضی قضاة المسامین اولی و لاة الموحدين معدن الفضل والیقین مولانا »
 « حسن خیر الله افندی زاد الله تعالی فضائله سک بولندیغک سلك قضاده بر از کمال رویت و لیاقت »
 « و وثوق و اعتماد عامه به مظهریت ایله ممتاز و شایسته توقیر و اعزاز اولدیغک حیثیتله بالفعل »
 « شیخ الاسلام و مفتی الانام اولوب برنجی رتبه عثمانی و مجیدی نشان ذیشانلرینی حائز و حامل »
 « اولان اعلم العلماء المتبحرین افضل الفضلاء المتورعین ینبوع الفضل والیقین مولانا مصطفی »
 « خیری افندی ادام الله تعالی فضائله نک تلخیصی اوزرینه قانون اساسیمزک سکسان برنجی »
 « و ۷ رمضان سنه ۱۳۳۲ تاریخلی قانون هایونمک ایکنجی ماده لری حکمنه توفیقاً اشبو »
 « برات شریفی و یردم و بیوردم که مسلك تزیه عدل و حقانیتده دائم و قانون اساسیمزک »
 « مارالذ کر سکسان برنجی ماده سنده معین حقوق و امتیازاته نائل اوله سک حرر فی الیوم »
 « العاشر من جمادی الاولى لسنة اربع وثلثین وثلثمائة و الف »



« صانع اكون جلاله وواضع قانون عدالت خالق اعظم ومعبود معظم تعالى وتقدس »
 « حضرت تلى مجله كائناتك شيرازه انتظامى اولان عدلى امر وفرمان ونبي حكيم خدا »
 « دريتم فصحا عليه ازكى التحايا اقدمر حضرت تلى عدالتك قدر بالاترينى كوهركزين »
 « بلاغته توضيح وبيان بيورمش و بشريتك رفاهيت وسعادتى نعمت عدل ايله حاصل »
 « وسالकिन شاهراه عدالتك صدر بلند اجر وسعده واصل اوله جنى دركار بولنش اولوب »
 « سنكه مرسين قاضى اقضى قضاة المسلمين اولى ولاة الموحدين معدن الفضل واليقين مولانا »
 « حسن تحسين اقدى زاد الله تعالى فضائله سك بولنديغك سلك قضاده ابراز كال رويت »
 « ولياقت ووثوق واعتماد عامه به مظهريت ايله ممتاز وسايسه توقير واعزاز اولديغك حيثيله »
 « بالفعل شيخ الاسلام و مفتى الانام اولوب برنجى رتبه عثمانى ومجيدى نشان ذیشانلرىنى »
 « حائر وحامل اولان اعلم العلماء المتبحرين افضل الفضلاء المتورعين ينبوع الفضل واليقين »
 « مولانا مصطفى خيرى اقدى ادام الله تعالى فضائله نك تلخيصى اوزرينه قانون اساسيمزك »
 « سكسان برنجى و ٧ رمضان سنه ١٣٣٣ تاريخلى قانون همايونك ايكنجى ماده لرى »
 « حكمنه توفيقاً اشبورات شريفى ويردم وبيوردمكه مسلك نزيه عدل وحقانيتده دائم »
 « وقانون اساسيمزك مارالذکر سکسان برنجى ماده سنده معين حقوق وامتيازاته نائل اوله سك »
 « حررى اليوم العاشر من جمادى الاولى لسنة اربع وثلثين وثلثمائة والف . »



« صانع اکوان جلالت و واضع قانون عدالت خالق اعظم و معبود معظم تعالی و تقدس »
 « حضرت تری مجله کائناتک شیرازه انتظامی اولان عدلی امر و فرمان و نبی حکیم خدا »
 « دریتیم فصحا علیه ازکی التحایا اقدمر حضرت تری عدالتک قدر بالا تریننی کوه کزین »
 « بلاغته توضیح و بیان بیورمش و بشریتک رفاهیت و سعادتنی نعمت عدل ایله حاصل »
 « و سالکین شاهراه عدالتک صدر بلند اجر و سعده و اصل اوله جفی درکار بولنش اولوب »
 « سنکه کوزلحصار ایدین قاضیسی اقضی قضاة المسلمین اولی و لاة الموحدين معدن الفضل »
 « والیقین مولانا یوسف ضیاء الدین افندی زاد الله تعالی فضائله سک بولندیغک سلك قضاده »
 « ابراز کمال رویت و لیاقت و وثوق و اعتماد عامه به مظهریت ایله ممتاز و شایسته توقیر و اعزاز »
 « اولدیغک حیثیتله بالفعل شیخ الاسلام و مفتی الانام اولوب برنجی رتبه عثمانی و مجیدی »
 « نشان دیشانلرینی حائز و حامل اولان اعلم العلماء المتبحرین افضل الفضلاء المتورعین ینبوع »
 « الفضل والیقین مولانا مصطفی خیری افندی ادام الله تعالی فضائله نک تلخیصی اوزرینه »
 « قانون اساسیمزک سکسان برنجی و ۷ رمضان سنه ۱۳۳۲ تاریخلی قانون هایونمک »
 « ایکنجی ماده لری حکمنه توفیقاً اشبو برات شریفی و یردم و بیوردمکه مسلك نزیه »
 « عدل و حقانیتده دائم و قانون اساسیمزک مارالذکر سکسان برنجی ماده سنده معین »
 « حقوق و امتیازانه نائل اوله سک حرر فی الیوم العاشر من جمادی الاولی لسنة اربع و ثلاثین »
 « و ثلثمائة و الف »

